



日本野史

和書門
類
號
函
架
冊
一五九〇
二〇〇
一〇〇

內閣文庫
和書
類
號
冊
架
函
一五九〇
二〇〇
一〇〇


內閣文庫	
番號	和 15190
冊數	200 (100)
函號	139 3







野史卷一百三十四



源忠彦 修



武臣列傳第四十二

毛利元就

利元就安藝人也姓大江氏參議左大辨音人之

後也

○野史氏按藩翰譜家系圖 平城天皇皇子阿保親王生備中守本主本主生音人始賜大江姓新編纂圖賜姓于本主云○皇胤紹運錄載音人

於阿保親王子列○公卿補任云大江朝臣音人者備中介本主子先祖本姓土師也以延曆天子外戚改大枝音人更改枝為江字母中臣氏阿保親王侍女也○拾芥鈔云大江者右京人土師宿禰淨繼賜大枝朝臣姓貞觀八年三月二十二日為大江○新撰姓氏錄云土師氏者天穗日命十四世野見宿禰之後也○江掞抄云管家者土師姓也雖子孫多矣官位不至○世傳阿保親王子本主本主生音人土師大江二氏混交系圖亦係本主於親王子系故有此說矣乎公卿補任係

音人於親王子有故也野見宿禰當垂仁天皇朝始賜土師臣姓後桓武天皇延曆九年十二月土師宿禰諸士等以外戚之恩改土師宿禰賜大枝朝臣姓諸士子本主叙正六位上任備中介會阿保親王侍女中臣氏有娠賜之於本主而生音人於本主家因載本主於系譜以音人為大枝姓貞觀八年十月十五日先是音人及散位氏雄等上表請以枝字為江字是日詔許可○山縣孝孺著國府系圖序云阿保親王有五男子音人尤長初親王侍女中臣氏有孕以賜大枝本主音人

已生養於大枝氏家遂冒大枝氏後諸弟皆賜在
原姓獨音人先既為大枝氏不更賜姓大枝氏者
天穗日命後也初姓野見宿禰 垂仁天皇朝改
賜土師姓 桓武天皇朝以外戚之恩更賜大枝
姓云元就者實音人二十五世孫而 平城天皇
二十七世之皇胤也諸書所載紛紜今舉正傳以
辨世惑

音人八世大膳大夫廣元因大將軍賴朝請下鎌倉
為執權兼政所別當入道號覺阿廣元子季光領相
摸毛利莊始稱族毛利為三浦泰村妹婚及泰村謀

反季光援之兵敗入法華堂自殺東鑑季光三男
經光父自殺時幼稚在越後南條以不與黨故保有
食邑經光子時親繼為吉田安藝南條越後加賀田河內等
地頭職初築郡山城在安藝郡高田時親九世弘元嗣而卒
子興元嗣屬大内氏元就者弘元二男興元弟也小
字松壽九更少輔二郎毛利系圖梅治部少輔毛利
家譜○温故刑部初居猿掛城在多治永正十四年二
月武田元繁起兵屢侵掠郡縣次于今田迄十月攻
小田信忠于有田城元就聞之謂諸老志道廣良曰
元繁狼戾叨起兵掠畧近郡有田如不守則彼必來

圍吉田猿掛矣為眾破破圍雖千悔不及有田捍禦之
際為之後援擊元繁以拂後禍矣時興元在京師故
廣良謂不可未幾元繁部下熊谷元直一條貞信板
垣定久等來侵縱火於多治比鄉元就乃率兵一百
四十拒戰獲定久等廣良告急於相合就勝誠今作元
系圖元稱喜多相福原廣俊桂元澄等將出戰會吉川
國經來救併兵一千餘元就督之次日與元直戰獲
之元繁聞敗分兵饜有田自來挑元就邀戰于中井
手遂獲元繁國經大悅以其女妻元就軍記藝列吉
永正十六年八月興元卒其子幸松丸繼家猶幼元

就代執家事國史實錄大永元年尼子經久率雲伯二
列兵來侵掠攻剽城邑國人惴服唯元就通信於大
內義興俟其援久而不到兵勢單微已抗衡遂與經
久行成毛利舊軍記二年夏經久次于西光寺山將攻坂
城遣人來使元就為先鋒元就攻拔之而經久召元
就于陣營或人告曰經久有害心故稱病不往意疑
經久私記三年六月經久次于北池田元就為率兵屯
滿願寺經久令其人代守猿掛城桂元澄曰令雲人
代則為尼子氏之有矣我保城雖死不與烏元就廼
發騎攻鏡山城守城藏田貞信頗勇銳捍禦不撓元

就諭貞信弟真信降之真信竊邀元就兵于第二郭
與貞信戰一日夜貞信自盡城陷私軍記七月幸松丸
矢年僅九歲羣臣擬議或謂迎尼子支族或謂立就
勝經久亦助就勝欲謀元就志道廣良固執不可使
兒玉就忠白元就遣粟屋元秀如京師請大將軍義
植義植許可授印章於元就室老十四人連署迎元
就八月元就入郡山城舊記領屬下軍記大永四年五
月大内義興義隆父子帥師攻武田光和于金山城
頒兵圍草津仁保嶋櫻尾等諸城元就告急于出雲
七月尼子經久督師以龜井秀綱牛尾某為先隊到

安藝元就為之前鋒與周師戰屢有利而元就與山
内隆通宮隆定杉原盛重三吉隆信胥議十五日夜
乘烈風驟雨分作九隊驀然發喊襲大内氏營陶道
麒麟奮勵禦戰事出不意部位惑亂士衆敗走弘中隆
包大和隆勝馳驅欲整中軍率士卒徑間路赴元就
嘗命伐樹橫縱之路隆包隆勝為不能進元就發弓
隊縱射敵益困蹙會覆發擊其後部大克鳴螺而還
實錄天文二年九月叙從五位下任右馬頭系圖歷
三年夏元就謂我宗世與大内氏盟約懇交有年因
幸松丸即亡故苟且通雲謀保社稷然彼屢欲覆吾

宗非所以保社稷不如遵舊約屬周矣乃與完戶元
源山內隆通迭固盟而遣兒玉就秋適山口尋舊盟
義隆悅諾元就送長子隆元于山口以為質私記安西軍策
七月元就率麾下攻宮隆定教其城下之四年三月
攻多賀山城多賀山入道久意乞救于赤松晴政拒
禦嚴戒會城中飲渴牙城既渴次郭未盡中間有深
谷幸繩繫飄運水於牙城元就命桂元澄元澄素善
強弩乃縱射半頭矢斫其繩元就賞令稱能登守而
城中勢屈終乞降所在城寨望風歸降者七私記六
年三月攻生田城私記城矣未有所生考下之私記九年九月

尼子晴久帥師五萬來次于青光井山因伯兵屬之
綦布列營私記先是元就計策悉漏覺雲軍能截察
所度多違元就謂是必有內應者矣下令曰內應敵
者部索悉可誅焉既而謂有一瞽者侍側多年彼必
通晴久矣陽謂羣下者士曰晴久若來據青光井山
則我無利必矣不然則我亦得計瞽者果漏之晴久
信用之次青光井山云錄當是時元就下男女八
千餘口能把戈從役者二千二百而已守備嚴戒
始不出戰福原廣俊據鈴尾寨為聲援雲師亦見之
戒嚴不軌私發徒遠圍耳因伯步騎一萬餘進屯白大

豆碕備藝國人聞警來援元就繼之小早川正平天
野隆重穴户元源熊谷信直等次于住吉山東以禦
因伯兵元就倚胡床齎酒瓶親自酌薦士卒具問姓
名盟死守禦益嚴私記六日朝霧四塞雲偏帥尼子
久幸佐波隆連本莊敬興等兵三萬縱火攻太郎丸
出寨薄門福原貞俊口羽通良等赴拒敵措寨邀戰
會渡邊通國司元相坂元祐等從後門馳騎兵三千
餘烟塵蔽天斫敵縱橫獲首三百餘遂擊却之雲兵
褫氣遠圍以疾張盡軍記九日風雨暴烈元就曰
是日重陽節雲人必祝脫甲解弦矣宜襲其虛也乃

令步下兵一千餘發又使飛落小二郎率健夫二百
夜赴擊小二遣夫二三十先濟多治比川剽敵而退
伏兵於河東藪陰又分兵襲高橋直則陣縱火直則
忿悉兵追躡城兵踰水而退敵乘機半濟渡邊通督
伏七百餘兵聞然喝敵擊門田就顯井上元有等
助通掩擊會河流奮漲兵多溺沒暗久揮麾縱騎救
直則元就自樓上望見曰我軍得勝遲緩則為彼被
遮急趣援焉國司元相及兒玉栗屋井上黨馳赴擊
敵揚軍而還十二日雲兵數千附太田口列竹束來
逼城栗屋元秀等拒擊敵遺竹束而走城兵搃之禦

備敵兵死傷者多尼子久幸奮激將進攻敗卒離散
而不能城兵追尾多獲首級私記十四日黎明雲師
五萬餘自鎗分口進城兵一千三百餘邀戰渡邊通
獲本莊徑敬雲軍死傷者四百餘暗久怒曰多衆為
寡兵被敗數回將士之過也躬自把槍驅騎左右泚
泥且路狹隘進退失度蹣跚不果城兵疾入保禦暗
久啣牙而罷私記十一月雲兵復來攻元就伏兵於三
日市常友藪陰親督麾下張陣于祇園谷前鋒赤川
左京亮長屋縫殿丞等濟多治比川敵先隊三澤為
幸龜井秀綱米原廣綱川添常重等望元就旗幟馳

騎挑戰先隊邊擊戰將酣兩路覆兵爭起大擊雲師
破之井上元繼馘為幸敵遂潰走斬獲頗多為築首
墳所謂土取場合戰是也軍記雲禪將井原久行
率兵侵掠近邑元就麾下士及梨羽景宗禦戰遂獲
久行于豐嶋軍記十二月大内義隆聞郡山圍未解
使陶暗賢笠井正盛率兵一萬來後援次于住吉山
與雲師抗衡軍記藩翰十年正月雲軍支周師於河
岸暗賢頒兵從上流廻轉直入衝暗久中營是時雲
部下多趨前軍麾下虛軀禦戰殆危暗久叔父久幸
奮聞血戰正盛迎擊久幸死之兵士聞急驚遽攀坂

略赴救周師為之敗深野平左衛門宮川某等死之
元就乘機督兵掩擊暗久中軍大克之是夜暗久遂
引師而遁軍記舊

○按碑玉沽載獲久幸者正盛○毛利軍記作深
野平左衛門猶當考

初未接戰元就曰欲見敵首級兒玉就英侍側聞之
乃退褫刀於蓑被笠往敵陣擬漁者鬻魚雲兵爭聚
求魚就英伺隙截一士人收回獻之元就陽忿追之
陰嘉其勇健軍記尋元就與隆元如山口謝援軍記十
一年七月義隆帥師三萬五千伐出雲元就督前軍

而發進次于津賀東攻赤穴城拔之徒營於柚木轉

次于高津場毛利軍記是春發十二年正月師在

出雲三月義隆使元就徒軍於八幡山宮尾援南方

親定秋山親吉四月元就隆元伐畧富田城下鹽谷

口五月義隆班師元就在岩坂口自宮尾退軍于石

川羽根暗久縱兵追蹤師殊死反戰僅與六騎逃歸

會土寇羣起要路湯原春綱令其人黑碯將監來救

入夜逸到羽根舍長福寺聚散兵將還雲兵追尾者

醫至所在城砦皆叛斷路周師大潰元就左右亦多

殪軍殆危渡邊通諫曰事既逼急請君徑間道入西

備山內臣雖不肖矣為公之紀信迺換甲幟目圍人
勸元就去自稱元就與從者七騎留奮鬪力盡據小
阜自殺元就因得脫入備後山內隆通護送歸于吉
田而元就召通子長撫之曰是彼微通也余幾及矣
乃矢曰有江氏則有渡邊氏私記周初義隆將殺元
就棟曰雲未可伐為藝石堵城歸之久矣自郡山之
屺也雲不競矣且密通乎我是以姑率服已豈其實
携貳疆場之人何常之有圍雲數旬不克敵作半後
是必敗之道也弗聽遂進伐不克追其旋師雲兵追
躡藝石國人多反應雲要路周世子義房溺死師大

潰

南軍文集

十三年七月元就麾下士侵略雲刈郡獲

首數百級

實錄

十七年六月義隆使陶晴賢為部將令

元就攻神邊城城主山名氏改嘗與平賀隆宗有舊
怨隆宗望靖以我一隊擊平之乃使隆宗築對壘攻
焉私記十八年正月義隆使元就援三村家親討穗井
田實親二月元就率部下兵次于井原當是時家親
與實親接戰之半元就遣兵橫擊實親會伊達某石
賀某為實親後援要擊元就後拒軍忽敗家親逃入
城元就欲再戰衆諫止三吉時直嘗通信於元就率
兵來援亦請戰實親誇勇不還城又不圍成羽布陣

干原野在帷幕解鎧脫甲置酒燕飲時直與元就胥
議御放枚卷旗歷間路將襲實親陳歛乍候報之實親
曰何為其然是必國人來應矣不敢為備元就時直
領騎兵一千餘作三隊三面發鯨波擊其不意實親
惶駭遽騷士卒散亂死傷者多實親僅脫走家親亦
出城追蹤斬獲最多實親遂乞降元就乃令時直守
猿掛城而凱旋于吉田軍記草川衝繼以高山城降
宇喜多直家遣使納款于元就私記二十年九月陶晴
賢弒大內義隆而貽書於元就乞親交元就憤惡其
篡逆與宿臣議討伐軍記靖朝廷賜征伐逆臣之

綸旨

池藻

而勢微未發假聽晴賢入道全薑所靖以

俟其隙

軍記

是月元就遣騎兵攻頭碕城守將平賀

隆保自殺城陷

軍記

西條槌山城也周屬下菅田越中

守尾和備後守大林和泉守等為全薑守之叛附尼

子氏大內義長使元就攻之元就進兵視威而退敵

兵悉衆追尾反擊獲菅田三郎左衛門乘第二郭遂

薄牙城守者乞降毀壁而還

私記

大林○毛利軍記二十

一年五月元就率兵攻江田隆貫於旗返城隆貫告
急於雲尼子晴久督雲伯石三列兵為之後援其族
國久分騎兵五千為前鋒軍于泉萩瀨元就使吉川

元春為前軍元春進與國久戰殺傷相當會日沒國
久退陣于釜棟元就次于志和池記七月元就攻祝
城城主祝甲斐守拒戰先是內藤興盛率兵六千為
聲援元就併其兵自後門薄城壁遂拔牙城甲斐自
殺毀其城高山城望風而潰私軍記十一月江田隆貫
棄城而走山內全薑令江良房榮守旗返城元就靖
得城全薑弗許軍記二十二年三月大將軍義輝聞周
雲屢爭石見挑戰不決石見國人多屬意於元就而
憂中國擾亂驟起遣使者和解三家實錄二十三年三
月元就謂隆元曰頃年因義長所言屠城殺人致地

于彼不顧士卒勅罷偏所以辭義隆之舊好方今全
薑執國柄竊挾禍心彥云狡兇死良狗烹先則制人
我欲絕子意奈何隆元曰唯命也不如速絕焉乃與
元春隆景及宿臣議僉曰然唯恐雲周並大敵為之
何如元就曰雲實然也周不足為敵彼頃年懈武耽
文易制而已我有所思於是遂決私軍記津和野三
本松城主吉見正賴遣人來謂曰方今與周絕待其
來圍靖尋前盟元就應諾記五月元就陽稱全薑干
石見率元春隆景穴戶隆家到佐東金山大內義長
嘗疑元就有異圖為之備元春裁察逆襲遂拔金山

悉擊為周守者殲之進拔鈴山草津廿日市櫻尾等
城寨壞大野門山城地使桂元澄守櫻尾香川光景
守仁保嶋城示絕又取海田保木城而後元就巡視
嚴嶋築城令已斐豐後守守之而還全薑未知江良
房榮馳檄報之全薑遽驚曰前有正賴後則元就如
何而可矣私軍記九月全薑令宮川房長將兵侵掠山
里河內倉重而次于小方大野元就督騎兵三千五
百在櫻尾城十五日房長距城二十四五町許出軍
于折敷畑七尾元就議曰我聞周軍衆陶父子必來
矣口羽通良進曰斯城南面皆海以西北之地為戰

場兩川及穴戶福原諸將斯須拒之君及世子發中
軍擊之則勝利必矣元就曰如子計策有後援則可
矣今我無應援之倚賴惟欲邀彼於野間而決雌雄
耳兒玉就忠曰羣議移晷恐有變矣臣請先驅以試
敵也元就作色曰吁爾剽忽蔑救隆家曰請勿責焉
而捧腹曰國賊逆天命我征鼓一鳴則殪賊必矣復
大笑隆家為人簡默衆未見露齒是日始解頤食以
為勝兆時嚴嶋神官來捧卷數元就盥嗽并戴之議
乃決隆景自池御前七尾南嚮元春上折敷畑北山
目隆家及福原貞俊為遊軍自北陰元就隆元督中

軍令坂元祐坪井將監前誘敵二人進發二三矢敵
出挑之二人佯退敵混隊伍追躡元就以中堅當之
隆家負俊衝其橫兩川自南北夾擊大克之鍛宮川
房長獲首一千六百七十餘級軍記舊記十月全薑使
江良房榮守岩國備藝房榮剛勇不屈元就作詭書
寄房榮曰足下與我約謀滅全薑冀莫變約云函封
之附使价謬至山口達之於全薑全薑解滅讀書一
驚一恠未辨真偽意竊疑房榮房榮不識之贈答仍
舊自若全薑嫌忌日累遣人詰責之房榮終自殺於
琥珀院元就聞曰寇陷我計中自毀長城舊記叢話弘

治元年春元就陣于佐東全薑及弘中隆包次于岩
國數發細作伺動靜元就頃間召陶真潭平家名曲每
謂左右曰全薑如濟嚴嶋攻宮尾則我莫防禦之術
欲拒之未得其計屢有悔色陶真者全薑之間也乃
報諸山口私記叢話○按溫故私野間隆實柳海田
保木城通山口全薑令小幡某羽仁某為之援元就
率騎三千九百分隊赴攻隆實禦戰元春進乘出郭
遂拔其城隆實乞降乃毀其城壁四月屠矢野千手
山九月攻御莊下之七月屠殺吉和山里土寇拔友
田高森城武田信實自殺安藝悲平私記是秋元就豫

命郡山留後於桂元澄又使元澄陽通全薑勸渡海
十月全薑帥師作毛利軍記作師三萬故私記遂涉
嚴嶋繫軍艦於草津廿日市浦圍宮尾城數重已斐
入道新里右近竭力捍禦衆寡不敵守備殆危元就
聞全薑航海率出羽元實熊谷信直天野隆重阿曾
沼廣秀三須隆経杵川廣景杉原盛重山田重正等
藝備石騎兵四千五百餘軍于已斐草津整列次而
曰入道既渡海野嶋久留嶋者如何隆景曰先遣浦
兵部也言未畢伊豫兵船數百達廿日市元就即遣
宗勝贈糧鹽酒穀槁勞焉元就繫瀬戸巨艦於岸際

遣輕舸問宮尾安危而聞宮尾城水路既斷樓壁崩
壞陷不出一旬全薑豫期仲冬朔議攻城云是以元
就二十八日徒後軍于地池御前火立二十九日地御前
神主采蛤舟奉幣嚴嶋祠元就使兵士擬神人俱渡
海敵兵數人出問元就舉動對曰陶殿不攻草津廿
日市而涉嚴嶋是乃毛利氏敗亡之兆也元就雖軍
火立將退陣于草津矣於是周師稍解嚴是日未刻
私記作元就傳令曰是日旋軍於草津宜先發老弱
辰刻輜重人夫取路於一道不可混亂如遭風雨則有不
達津者宜備二日糧而密擘兒玉就方曰日暮欲涉

嚴嶋前後齊進莫令混雜對曰船今所在三百餘艘
唯恐水夫不給願加警衛元就曰若彼船對風不可
矣飯田元著點檢津頭得水手七百人就方猶懷危
靖矣宵解纜山縣就相曰衆軍航海何為揮水手有
檣柁在衆亦盪焉元就是就相之言又問艦有棚乎
否元著曰以暴風故不設分艦底為三段也晡時下
令一螺傳食二鳴而發頒名簿定部表標隊列解纜
傳令於就方所部曰一二隊伍勿濫船以脊標為符
勿積饒又令警衛部曰徑玖芳西面宜達嶋通嶋則
勿用檣數禁檣聲勿高呼又令麾下曰以雲火為堵

部之目揭提燈可分前後勿用脊標各把柵木一繩
一房以注連襪二捲為符言以勝堵士勿用糧皂隸
可蓄一日食腰附燔飯與乾梅實備朝餐貯水勿高
聲以微言可相傳聞鼓三聲及其四鳴當發喊聲而
元就占甲冑斷表帶端以示死相衆從焉酉刻而發
時烈風驟雨不辨咫尺二更到嚴嶋

○温故私記載臨元就之發也空中有火光煌煌
自火立山起飛海上到嚴嶋有本船望則如前行
火堵舟而見之則如本船灯從而馳驅云事似恠
異故今不取

雨歇風收命斷纜悉放舟以絕還意召舵工問浦名對曰博奕尾鼓浦元就曰奕兼鼓皆搏擊必勝之兆也隆家貞俊進曰拍子善哉而元就命就方遣歸船艦就相問各船處置元就曰我欲十死之戰有利則獲全薑無利則我殪耳胡以船為念乎就相與就方私議潛駐本艦遣歸諸船違岸十餘町舉火而去乃把雲火定部隊攀嶺踰谿登奕尾嶺巔命鳴一螺東方既明百鳥嘒喏元春自洲屋口隆景自海濱隆家貞俊亦分部攀躋三螺鳴畢而諸隊合喊齊掩敵營周軍狼狽將士驚躁夫卒駭擾全薑大叱曰我在此

何怯之甚元就兵寡勿敢驚而皆為不聞而走全薑聲嗷無還戰者衆遂離散爭先求舟舟少人多覆溺者無算周偏將弘中隆包率兵三百與元春相戰隆包預決死鋒刃頗銳元春軍屢為見破元春怒親自揮槍而進周士青景某波多野某等兵三百餘助隆包橫阻撓元春元春殆危熊谷信直天野元定來救元春擊青景等破之隆包退龍馬場據懸崖禦戰元春追躡遂獲隆包及子隆守全薑欲聚散兵而戰三浦越中守勸全薑退去隆景追蹤及之周乍候羽仁越前守及其弟將監率騎兵三十餘自樹陰突出拒

之出羽元實邀擊遂斬越前兄弟隆景猶追全薑敵
敗卒遁匿山林者羣起遮隆景元春代隆景擊破之
隆景馳騎追尾大和伊豆守以七十餘騎要戰力闕
數回存者僅二十人香川光景禦之元就制曰莫殺
烏光景乃擄伊豆隆景復起追急越中督騎二百據
青海苔血戰時隆景部下四散擊敵左右軍單微越中
殊死奮鬪隆景親自揮槍接戰赤川之助遙見馳驅
援隆景橫衝越中部兵萃逼隆景隆景部下士草井
某山縣某內海某南某井上一忠等死之隆景殆危
元春聞軍急馳至中營隊士內藤某等繼至擊之越

中兵皆殪越中亦戰罷且中矢二創猶捨槍而進二
宮某當之延槍刺越中左腋內藤內藏丞馘烏全薑
隊下士五百餘悔憤急整旅襲隆元營隆元及堵部
夾擊悉殲烏實十一月朔自卯迄未刻周師大敗績
未獲全薑頌兵士百方部索三日而生得全薑孽童
乙若就方啗以助命問全薑死生乙若乃導就方到
塔岡獲全薑首及伊賀民部山碯隆方等殉死者首
七級是戰所獲首四千七百八十餘級生得八百五
十餘口或誅或放元就送全薑首於廿日市洞雲寺
為修佛事建碑合考軍記私記生虜中有渡邊可性

者嘗嗜狂歌就虜賦曰可計亭志毛多能武曾母里
廼志女馱寸幾以乃知比東都爾布多津末伎之互
元就憫而赦之又有同朋宗阿彌者就虜賦和歌曰
奈乎遠之武比登止之以遍度美乎遠之無遠之左
耳伽返互奈乎婆遠之萬數亦放遣烏重見通種亦
被虜靖死元就使兒玉就方兼重元宣救其死渝歸
仕通種不從強之固辭曰臣素河野庶族去邦憑周
遂屬全薑義不可不死不哉全薑存否謬就虜今何
面目生仕哉元就嘉節義更賜死求其子二人祿烏
私軍記 十二日移陣於小方津杉元相據玳珂鞍懸山

城禦備元就遣人攻下之又山碕興盛嬰須萬寨
要山口通路元就遣坂元祐巡邏之元祐斬守者勝
屋興久而歸隆元率兵赴攻寨大內義長令伊賀左
衛門大夫援之熊谷信直等逆戰獲左衛門時以天
寒回軍私軍記 二年二月元就督師攻須萬寨數擊
破山口援兵作長圍之陣守者江良賢宣乞降興盛
及隆次死之陶長房在矢地若山城聞須萬不守
而懼會杉隆重兄弟襲之長房敗死元就使長屋元
定守之毛利與三野上隆通率兵二千餘來攻會城
中有叛者縱火誘入敵兵元定避之乞援再攻拔之

而毀城壁元就歸于岩國軍紀私記或降山內隆通納
欵于元就三月尼子晴久聞隆通叛而通元就發兵
攻之隆通捍禦不撓晴久不能拔抗衡歷月元就在
岩國營聞之曰隆通善拒則晴久不得入國乃謂元
春曰余雖兵寡入周屠義長以不為難也子分兵如
石見以要晴久來路實錄三年三月元就發細作織
山口舉動帥師抵畚海浮野以隆家貞俊為前鋒使
隆景及猶碯信景古志豐綱等從海濱元就隆元自
陸路進周兵戍松碯者望風而潰先隊追薄佐波川
殲之右田若守野田某右田某迎師而乞降令南方

就正守之而到佐波山嶺姬山守將穴道大炊介亦
降使福原貞俊守之所在城寨皆潰走義長遂棄山
口而逃長府入勝山城元就入山口分人撫綏四近
繩苛政安新附復神社修佛刹鎮市巷五日隆元隆
景勸追伐元就曰凡我調略不乘勝熟慮大內氏勢
今雖偏此名族也不可輒滅遠慮近度而後發矣是
亦一計也令市川経好渡邊元赤川之助率兵一千
餘遣赤馬開以備豐後以貞俊為督將信景信直為
之副步騎四千餘進攻勝山城圍數日乃為書約之
矢以射城上曰元就於義長聊莫遺憾處分且任意

唯内藤隆世不可宥也隆世曰臣死君存素所願也
靖檢察使兼重左衛門尉蒞之隆世自殺義長出移
居千谷内長福寺貞俊進而圍之遣人勸自裁義長
曰我悔為貞俊被欺不與隆世共死也乃沐浴而自
殺杉重光野上隆忠等殉之大内氏亡實三月七日
也軍記私記先是元就遣使於大友宗麟曰令弟義長
危在旦夕若欲保之應護送焉宗麟答曰我嘗與彼
不協如其死生非我所與也惟所欲詔鷗飄草茶器
耳於是元就取其茶器送焉叢四月元就凱旋于岩
國吊義隆喪割郡邑頒賞周防長門悉平備後及豐

筑諸豪亦徃徃送款者多軍記十月周長漂泊亡命
者擁義隆季子今按大内系圖及家譜未詳聚兵襲
内藤隆春於山口而聞元就出師分離散走勝間田
成道擄間田妙壽於安藝殺之私記十一月元就出兵
徇郡縣討土寇皆平之備後亦平而後與尼子氏交
兵抗衡連年不解舊軍記永祿元年二月先是去年秋
石見豪族吉見正賴及出羽都野刺賀羽根祖式等
納款於元就元就欲剗平一列於是出師暗久聞之
率師三萬餘次于太田元就次子子出羽川本當是時
安富長安遣僧諭國人曰頃聞毛利殿來伐我嘗通

尼子氏莫敢有異謀請來我迎之益田藤兼嘗憑元
春送款於元就元就令元春對謂曰若取澄見與相
俱盟矣於是藤兼對長安曰我聞足下為雲欲與藝
師戰我亦欲之矣暗久之至請來併兵以待焉長安
乃去城而赴藤兼謀殺長安以其首來歸遂屬麾下
私軍元就進師屠清岸菴赤城又攻小笠原長雄于
其城雲兵援之隆景邀擊走之長雄遂降福屋隆兼
嘗送款至是反元春隆家攻中野寨拔之獲首八百
餘級福屋二郎神村下野守據河上乃上讀為松山城
雲兵復來援以其兵三千固禦元就命圍急救薄城

際守者禦戰赤川國司福原兵內祖乘壁終截守將
陷之按溫故私記永利軍記尋攻福屋兼正於音明
城是夜兼正及子隆包棄城犇畠田命毀其壁先是
元就使刺賀長信高畠長秀守銀山山吹城本莊敬
興攻而陷之長信長秀犇湯野津而俱自殺敬興分
兵守山吹及巢居高樓城私軍記二年七月元就次子
仙山攻伐本莊城累旬不屈隆元隆景相議靖曰初
松山城難陷赤川等諸士奮鬪遂拔之如斯壁何難
之有急襲之元就曰軍慮雖有摠余所測異之若二
子計策諸部合圍拔之必矣頻年余起兵所嚮必取

入此國也或降或否如越中亦非不戢余武者而捍禦不屈可謂勇者也故不忍殪之欲措而去乃回師敬興果追尾隆元元春隆景隆家擊却之淹留祖式數日會有南瀨院者與敬興相善元就召謂曰越中軍略西列無倫若山吹城麾下壯者皆謂可屠也然余歎惜渠雄武棄耻旋師為保彼武也南瀨院曰越中如聞斯語則感服矣元就曰請毋漏言南瀨院去報之於敬興敬興遂賴元春乞隆望請為先鋒伐雲暗久傳聞怖而收軍軍記私記○或作永祿五年敬興乞降云

○碎玉始云元就伐石見數年未平治夫石見之

為地也山峽多而小寨連險進攻則蟄而禦之回師則出而躡之會赤松氏遺士安積宗澤罷仕而間居于明石穴戶隆家遣人招之不到隆家自往迎來令見元就元就待遇最渥一夕談及石列國事問曰國雖小也我兵多損傷而已因地之利人心剛戾今猶弗服為之何如宗澤對曰如命則以十制一猶不得克之治則慮亂亂則謀治君能藏之乎元就拍掌曰是也石見則為余之有矣乃與隆家議以姪女妻巨豪星合某締親姻某采邑五萬石餘先衆歸服未踰年而率列悉平今按未詳

星合某者姑附備考

九月大友宗麟率師攻門司城仁保隆慰拒戰隆元在岩國聞急進至防府隆景至赤馬閑冷泉元豐浦宗勝副之隆景促戰期元豐將戰宗勝制止不聽前而與豐兵戰死之宗勝僅免歸私記

○野史氏今考多多良冷泉系圖云元豐以永祿五年十月十三日戰死于柳浦似有異又按九列治亂記隆景攻門司城作永祿五年十月拔城壁而入其城是月十三日與豐兵戰于柳浦十五日遂棄城而歸云事實相違當復考

三年正月 正親町天皇即位先是 天皇以弘治

三年踐祚天下擾亂諸侯不朝正稅不貢 皇威衰

弊財用不足故未行大禮元就遙揣度故事輸穀一

千石於官府而修大禮 天皇大嘉詔任大膳大夫

賜菊桐記號本朝通記萬代二月兼陸奥守江鑑代

叙從四位下系圖八月大將軍義輝賜錦直垂使傳

隆元尋列相伴眾江鑑原

○按御湯殿上日記云永祿二年五月十三日安

藝國毛利隆元上奏曰將修 朝廷大禮因 天

威遠平治備中國未有所他載

四年八月大友宗麟令吉弘紗連大友鎮貞率騎兵
一萬五千餘次于小倉隆元隆景隆家貞俊口羽通
良志道廣良等督師一萬八千餘為門司後援兒玉
就英率舟師九月到藁嶋奪敵船八艘尋襲花尾城
十月隆元隆景涉赤馬開隆景先渡與豐軍對抗豐
禪將田北鎮定本莊信光今江盛之等來攻門司城
隆景邀戰千里目破之再戰于八幡殺傷相當十一
月五日夜豐軍陣營俄然焚篝火夥貞俊陣與之相
距十七八町貞俊望曰敵去矣亘尾擊部下末國元
光先衆馳驅諸隊繼之多獲首級豐軍遂棄神田松

山城而走天野隆重駐守松山城隆元班師私記是
月福屋隆兼以松山及音明中村等城而畔誘土寇
作亂先是門司之夜戰豐軍敗走隆兼率所部追擊
時月落路暗縱火於山溪而進大友宗麟單騎遁走
于常見坂會馬斃隆兼追到見被左折緣塗烏帽子
着錦直垂而佇立者意謂宗麟矣廼授我副馬與兵
五十人送之於松山城而還事頗漏元就聞之嘆曰
有仁且義隆兼傳聞畏怖夜奔遣其子隆助於雲列
乞援於暗久暗久悅帥師三萬入石見構壘於福光
令牛尾久盛兵八百援松山城隆兼又乞救於豐後

侵掠郡邑割兵守中村寨十二月元就使隆景隆家
帥兵六萬攻中村寨會深雪埋路迄明年二月城中
糧竭暗久令湯惟宗攻福光城元春後援與暗久抗
衡是月薄城隆助出城而戰死松山城聞敗士卒逃
走隆兼不得禦備遂棄城歷濱田而奔富田殘太平
隆兼
溫作隆久今從私記五年五月叙從四位上系圖七月元就
議伐尼子氏或謂暗久病篤元就弗懌曰我欲伐雲
莫敢所陰匿然聞暗久有疾我豈下若謂之我幸也
者悉追却焉他日無况之者記是秋元就帥師三萬
餘次于赤宍而聞敵舉動進營于大野隆元次子掛

屋隆家次子三刀屋元春隆景傍中營本莊敬興及
子興元勇而侈為前鋒軍于白瀉與雲兵接戰殺傷
相互而陳于嶋根郡元就遣人召令移陳於大野邊
命殺敬興興元石見悉平軍私記
殘太平記

○國史實錄引毛利舊記安西軍策云是秋七月
尼子晴久抵石列與元就屢戰八月敬興與元春
戰元就愛其勇逾降敬興喜服既而敬興恃勇驕
誇元春急襲其陣而殺之今按是秋七月晴久有
疾是冬遂卒云猶當考

元就進徙營於洗骸距富田五里以懸崖為壁通河

水成湟固備據之列十餘寨欲不戰而令屈之故禁
攻畧嚴守禦剖鮮犒師高會歌呼又邀四道博士洎
和歌聲樂鬪香蹋鞠等專門朝士至自京畿界浦日
夜演習以視暇豫諸士卒禁叨出以為長圍之勢使
隆元赴岩國備防長松田久盛為雲守白鹿城其兵
二千餘違洗骸可一里或宵來襲出羽元實陣元實
拒鬪追附城際元就馳人制止焉元就慮白鹿城
得援使隆景及口羽通良等備城良面以禦後援尼
子倫久率兵八千赴救白鹿隆景邀擊殺傷數多元
春貞俊靖赴戰元就作色曰余嘗所戒乃是也他營

勝敗非可管固制而止隆景戰于波俱羅馬瀉將敗
士衆浮脛隆景怒自揮槍進騎直衝倫久屬下得機
競擊遂戰克走之私軍記使兒玉就方率舟艦備海濱
以禦外援斷漕路或奪糧船嚴戒山陰山陽國人堵
豪往往來通好送款諸城降附相望富田孤立轉運
難給城中大窘私記史軍六年正月元就坑得銀山就
幕府堵上銀山於朝廷及幕府詔可而後貢銀時
時不絕上御湯殿是春豐軍來攻圍松山城天野隆重
固禦隆元為之聲援次于赤馬關浦宗勝如豐後守
備大將軍義輝聞元就與宗麟構兵奏靖遣大僧正

道澄于安藝權大納言源通興子豐後令行成隆重
壞松山城於豐而還以宗麟女嫁元就適長孫幸鶴
丸附豐筑于大友氏以門司城為毛利氏持彼是迭
收師軍記私記

○萬代江鑑載永祿七年七月聖護院門主及久
我大納言通興下列國今考年月有異○毛利軍
記傳云隆元亨聖護門主於岩國永興寺七月六
日皆巖嶋而將赴出雲八月四日卒于佐佐部姑
據焉

道澄淹留數月又喻元就與尼子氏平元就述十事

辭成不能強而歸史是夏或謂尼子氏威武日熾元
就疾病乃遣使于京師召雖知苦院道三療疾軍記私記
八月隆元將如雲列途卒于備後系圖外聞洗骸親
臣宿將皆患元就不起元就自若曰隆元之死悔未
滅敵余雖老勵力以慰彼靈與供佛不如屠戮敵也
子等努力實錄隆元子輝元甫十一歲在郡山聞喪
謂傳臣曰大人即世偏依伐雲我雖幼赴師以遂先
考之遺志矣衆挽淚議喪畢如師元就聞而喜軍記或
靖屠白鹿城元就弗聽先是召礦工數百人於石見
銀山鑿自郭外入數月殆達牙城敵禦拒之穴中是

月七日福間元明把松火先驅與敵身日久盛相遇
坑底迭謂曰今古無比靖接一槍元明捻十叉槍刺
久盛赤川安近粟屋元忠兒玉就近粟屋元綱井上
光俊波多野元信粟屋新三郎三户元顯井上有景
繼進皆與敵接槍唯新三被傷死此之謂冗仕寄十
番槍尋敵兵轉巨石閉塞焉私軍記九月四圍白鹿城
貞俊部下先衆乘壁守者勢屈乞降命送之於畠田
城而毀城軍記初尼子晴久嗣子義久遣兵救白
鹿元就下令不管援兵急薄城城中糧竭遂陷云軍記
舊十一月因但兵將輸糧矢於畠田城兒玉就方自

海路夾擊之先是因但兵繫舟于雲伯境弓濱而埃
城兵來邀城兵三千餘迎之路將輸城就方貞俊海
陸併擊取其糧穀器仗而還麾下趣馬圍人艾薪藁
所在土豪據野白山木屋禦之城兵亦來援數侵掠
元就伺虛遣人屠其寨以間薪藁之便路輝七年二
月輝元暨元春子元長始率師抵洗骸清躬攻畠田
而遂先考之志元就悅曰真吾孫也遂議進取實錄
四月遣元春隆景先取畠田麥敵兵出要之於岩倉
輝元望見乞戰元春隆景隆家馳人謂曰敵雖衆多
皆是土寇不足以為匹敵三兄弟如出則不可莫旗

懺清候其出期元就亦制止兩川及諸部兵進戰而
歸輝輝元教乞戰不罷元就命以貞俊為左軍廣良
為右軍令栗屋元好國司元相為傳兒王就近內藤
六郎右衛門執事使輝元為前鋒將發元春清使其
子元長為後拒元就親自督中軍進攻畠田城義久
率騎兵七千餘自尾小森口其弟倫久六千餘自上
鹽谷口秀久六千自下鹽谷口邀備元就豫議謂余
當尾小森口擊義久矣果如其言輝元競進天野元
定及隆重貞俊廣良等先登接槍支戰輝元望曰莫
使渠等死親自揮麾而前部位不顧後隊貞俊左擊

廣良右衝交刃亂戈敵兵戰撓却十町餘輝元把戈
而追擊元就遣桂元重兒玉元良制止戰元春元長
及藝國人與秀久戰殺傷相當倫久備于菅谷口隆
景及備兵當之倫久覆兵于藪陰急起掩擊隆重麾
下浦宗勝豐嶋某等血戰奮鬪長元信猶碯信景古
志豐細三吉隆信繼之遂戰克之元就嚴制追躡隆
家為殿元就命退陣于淨安寺三日而回師于洗骸
隆景殿倫久為隊長追尾殆急隆重曰當斯除我欲
露尸於陣頭回書左右諫止不聽宗勝固諫猶不聽
而曰我若退則子等悉為敵餌矣我亦不忍棄士卒

也乃掉戟邀戰紗下爭返奮伐格鬪勢頗沮倫久乘
機競進隆景左右死戰殺傷殊多會隆家及熊谷信
直山内隆通迭反騎赴救擊却之元就曰堅城勃敵
未可力爭也乃退次于洗骸軍記私記八年九月元就
暨輝元巡邏富田郭外築徑羅木山瀧岩原山三寨
益斲糧道而歸于洗骸私史記城兵熊谷新右衛門原
宗兵衛湄義久曰臣等佯降元就窺間為刺客矣義
久許可二人來乞降元就召見曰汝等面從而非心
服矣二人遂逃去舊記城兵山中幸盛每日率數人
巡視城外益田藤兼士品川三郎右衛門擬步卒到

山下河邊担之幸盛出臨河岸隔水三郎呼曰我待
足下久清決雌雄矣幸盛唯而揮刀臨水三郎挽弓
而進幸盛鴝驅雲兵秋宅菴之助縱射折三郎弓鳥
打三郎拔刀與鬪水中斫幸盛股幸盛踟躕三郎纏
之將馘菴之助從後牽三郎令幸盛馘焉私記

○温故私記引世彥云能勝鹿者狼也擊其狼者
鹿之助勇力超衆是虛說也三郎者質直剛毅非
造假稱者也鹿之助者幸盛字世說謂品川稱狼
之助故云

九年尼子氏受圍既七年城中糧盡外絕救援人人

危懼初元就之偏月山也所在置開設戍執城中逋
逃者輒斬之因榜於城下曰亡者降者無男女少長
必死城中震懼無一人出者蓋欲亟竭其糧也已而
料城中已餒乃悉撤關戍更其榜曰亡者不追降者
不拒皆從寬典於是城中爭潰舊臣宿將以下賣降
者相踵守者不過數百人溫故私記元就嚴禁戰伐
惟艾田取麥而已逸私史五月元就患瘧月餘不復元
春隆景以元就年高恐有變

○溫故私記云隆景一夕夢一老翁來把隆景手
曰我是畱田八幡神也尼子氏久為國守護今將

及滅亡我甚憫之城如陷之日幸赦義久死則元
就之病復平矣若殺義久滅其族則元就疾不瘳
也元就所夢亦同之相驚共議和平事頗涉恠異
故今不載

私議講和以告元就元就曰往歲故幕下諭余和穆
而余不肯是時聖護門主道澄淹留猶議之元春隆
景迎道澄謂曰義久去城出降則滅死一等靖其圖
之道澄廼召立原久綱告諭之久綱以報義久七月
義久及倫久秀久出而降溫故私記作

○溫故私記云義久兄弟勢罷機屈遣人於洗骸

曰願義久一人死而救士卒矣元就議之咸曰昆
弟三人暨宿臣數輩致死盡放其餘矣元就弗聽
曰義久臨難靖士卒之命余不忍殺之乃迎聖護
門主赴城達旨又毛利軍記作大將軍義晴遣僧
日乘諭義久兄弟去城而降似有差猶當考
元就拘昆弟於圓妙院令元春護衛而送之安藝其
遺臣川副或作重正中并久包山中幸盛立原久綱
等七十人發涉而至靖從不許半途饗而遣之寘天
野隆重轉勝之守畠田城軍記至是雲因伯隱悉平
實錄隆重靖以元就四男元秋為將自為之傳以元

秋歲尚幼強隆重隆重靖三事其一曰置目代以布
教令二曰置土工監修繕城郭三曰置檢田吏撫綏
新附士庶元就許可十一月凱旋軍記並○私記十二月備
中人曰幡某叛通宇喜多直家直家遣其人花房職
之趣援之元就遣人討之連戰不決實錄十年直家使
其人來送款穗井田元資以無嗣子靖元就六男元
清為嗣備中平實錄藩伊豫守護河野通直與宇都
宮豐綱交兵積年國司西園寺公廣不能制通直嘗
送款於元就因求救於是元春隆景率舟師二萬五
千赴援福原貞俊為先鋒豐綱亦乞援于土佐十一

年二月師與通直併兵進戰荐拔數城

○武者物培抄云藝師圍金子城土佐兵來救師以寡兵分隊入土列視弱載船而退土佐兵得利而去師再起攻金子城遂取之未審是舉何月日姑附埃考

元春隆景猶次子興居嶋豐綱終以大洲城而降長曾我部元親出師不及而罷公廣亦遂來奔伊豫盡平權使通直為守護以穴戶隆家女妻之軍記備後私記人和智城春湯谷某從兩川干豫而還到嚴嶋兒王就方承元就旨警衛之結柵幽兄弟兄弟脫出匿神

殿追至誅兄弟殊宥城春子元鄉死祿仕而元就更造營嚴嶋神祠以謝污穢私軍記北筑人宗像氏貞北豐人高橋鑑種嘗送款于元就二列諸城徃徃畔大友氏來服大友宗麟發兵擊之立花紗虎據其城戶次道雪率騎兵二萬餘攻宗像高橋等城元春隆景隆家率師五萬餘而發元就次長府高橋鑑種來見元就慰勞之以為嚮導謂曰遣元春等分為三部抵小倉中房原欲攻神田松山馬嶽何如答曰有三嶽立花二城最為險要矣不如先屠二城而入南豐也元就領之軍記十一月師進攻三嶽城長野通勝拒禦

勢屈城遂陷私軍記十二年三月元春隆景徙營於帆
柱四月進營于壇合軍攻立花城頒兵備南豐後援
修壁築樓守備嚴戒作長圍逼城五月宗麟發兵六
萬餘為之後援次于箭届交銃接戰累日不決豐軍
進隊屢挑戰十八日來掩擊掠梨某陣將敗隆景赴
救獲豐隊長奈須紗正麾下士卒亦多殺傷進薄城
際殆危户次道雪斫多賀山樞碕陣欲得其隙而運
糧于城天野元明拒擊却之六月城中糧竭守將立
花紗虎憑吉見正賴乞和致城而救士卒元春隆景
聽其所請送紗虎及士卒於豐陣置戍于城豐軍猶

不去對抗歷月數戰不決私軍記七月尼子勝久屬箴
田信長謀恢復自隱岐入出雲傳檄於四方分兵鈔
掠宇喜多直家助之雲石因伯響應山陰大亂唯天
野隆重守畠田固禦勝久據末次新山築牛尾日邊
中山等寨侵畧郡邑八月山名氏改遺臣藤井能登
入道等誘土寇攻杉原盛重于神邊城陷而據之九
月大内輝弘率兵八千自鶴碕涉秋穗入山口次于
築山作亂軍記史私美作人草川景繼從役于九列留
後足立兼俊與三浦元高戰香川春景援兼俊屢禦
敵于高田城私元就遣使于立花告變召師元春隆

景與衆議令坂元祐浦宗勝守立花城桂元重為之
監十月將回師遣人於敵陳告田田自國有難旋師十
五日夜乘風雪揚陣兩川殿而歸豐兵或堵追擊道
雪不可曰其師甚整未可冀也軍記錄

○毛利軍記載乘雨雪旋師豐軍不戢而見陣營
空虛初知師退與本文不合

而豐軍圍立花城元祐等固禦不屈立花紗虎吉弘
鑑種貽書開諭再三宗麟亦遣使盟約元祐等遂致
城半途設醮與敵相別而歸軍記元就先令桂元重
渡邊長赴援高嶺城陣于朝倉糸根接戰不法決又使

元春元長自加川隆景自朝倉隆家直一坂元就輝
元次于厚東荒瀧將發輝弘懼去山口從秋穗抵富
海會杉元家率兵而西輝弘登茶磨山遂自殺餘黨
弭散軍記私元就帥師發長府將反折伐備後反者
先是藤井能登入道嬰神邊城侵掠邊境檣碕豐景
率部下攻拔之入道走備中境自殺土寇悉平轉取
神邊城報捷元就途聞捷悅而還國賞功解嚴元龜
元年正月元就令內藤隆春為豐次于赤馬關市川
經好守高嶺長元信檣碕豐景鎮備後輝而遣輝元
及元春隆景從右石入雲封勝久與其裨將山中幸盛

立原久綱等戰于布辨大破之追迫勝久于末次勝
久不能支走新山先是勝久分兵欲自備入藝益求
援於直家直家助之攻備中所在堵城下之於是德
井田元清赴備中伐堵城降敵者悉復之尼子宇喜
多之軍不能爭而罷輝元猶在雲拔多久和日邊中
山牛尾高瀨德良等堵寨事有輝元傳私記二年六
月元就疾病輝元隆景元長回師十四日竟卒于郡
山城歲七十五系圖軍記法名日賴號洞春寺私記
沼贈正三位系圖家譜元就有宏度重節義勇
而有膂力史逸幼而穎悟乘人肩出見重午之戲戲曰

曰恐衍

曰印地打國俗每歲端午日假作兵器左右分隊決
羸輸而習兵然一變則把弓矢佩刀劍帶甲冑恰如
真之戰元就察其勢命僕擇方觀之左左邊則左邊
勝在右邊則右邊勝焉衆皆奇之實錄年甫十二堵嚴
嶋神祠而歸召從者問其祈請或曰禱君武運臣冥
福渡邊某曰臣所請君公偃武於中國矣元就曰愚
矣哉汝奚以四海不祈曰先取中國而後矣乎弗擇
曰欲取四海者可得中國欲得中國者何得完領焉
矣武雜者捨遺每聞有枝藝者乃召而試之然躬自不
嗜耽滅左右曰毋好小枝又親自書滅曰毋嗜枝藝

母傲樂母逸豫母為何事唯凋鍊武略慎母懈焉地私
元就伐尼子氏行軍會日暮途日余有所思須臾駐
行或恠問元就曰余遠望河上螢火熠燿連續而中
間絕光疑有人踰水前岸必有伏矣乃遣乍候果伏
起云或年正旦盥嗽東面默坐侍臣粟屋彌二郎問
獻椒節而不答再問元就就坐曰汝知椒節故事乎
居余培女所謂元三者年月日之始也故寅鼓起床
以慮一年事譬以去年仇今年山東去年豐熟民亦
得其處雖有不虞糧食不乏西列水旱民皆匱乏雖
無兵災四民固窮是以約身以欲救衆或凋鍊命令

彼不恨我不憤欲令國家安泰臨急事莫周章是乃
元三之祝也一年之計在春一日之計在寅終身之
計在勤可起而不起缺日用者非為將帥之行也顧
曰取太刀來左右未應彌二乃起取鎧側太刀來元
就莞爾曰女聞余之言心慮頓決云親愛門葉支族
撫育民如四肢慈士卒如骨肉當時天下稱元就及
氏康信玄婦信曰四傑翰又善和歌詠曰計布乃比
母與之左波久禮豫久禮互許楚萬久羅母可良女
波南乃志多加藝又曰阿遠耶耆能伊登玖梨可遍
壽曾能加美半太哥呼駄滿幾乃波盡迷那累良半

或發句曰宇良武那與許許呂仁摸類留波南毛奈
之私軍記近臣大庭賢兼備書元就所詠和歌聯句聖
護院門主道增視之使內大臣藤原實枝為和歌判
者聯歌師沼巴為發句判者作一冊子題元就詠草
行十世新讀古事又好禪問法於僧慧心記有九男
二女長隆元次元春次隆景次元秋次元俱次元清
次元康次元政季秀包女適穴戶隆家上原元將隆
元小字少輔太郎家系稱備中守江系叙從五位下
任大膳大夫土系列相伴衆江系叙從四位下土系
補安藝備後長門守鑑系職家圖永錄六年七月次

于岩國鎮撫防長而享聖護門主道澄于永興寺聞
元就有疾馳經郡山而不入城桂元澄等請入城見
世子隆元曰大人在師旅踰年且今聞嬰疾吾何意
眷顧孺子哉到佐佐部以八月五日戒期三日夜和
智城春靖享將往赤川元助諫曰軍期在通恐不可
矣于隆元弗聽而往受饗明日暴卒歲四十一系圖
私法名華溪號常榮寺家譜隆元性至孝聞元就疾
禱巖嶋祠欲代父云有故乎或疑遇鳩矣乎私子輝
元繼祖父後別有傳元春繼吉川氏隆景承小早川
氏後皆自有傳元秋初字少輔十郎稱刑部大輔元

俱稱孫四郎早死元清初字少輔四郎為穗井田元
資養子後有傳元康初稱七郎兵衛後大藏大輔承
兄元秋後家系文祿二年屬隆景征明家豐韓虜築
木蘓城於全羅道以拒禦我師加藤清正等攻之不
克太閤秀吉聞而怒勵師諸將齊發元康陣距木蘓
城二十里安國寺慧瓊饗諸將自午迄子刻是時三
宅信連仕元康僅二旬聞飛檄至馳告急熊谷直陳
甲騎而達急於諸營信連遇直陳于途直陳曰怯夫
盍疾發信連恚欲戰死如中營元康上騎而疾從者
之至特圍人五助耳元康乃率信連五助二人而馳

驅抵五枝川啞西條柿割予二人曰此乃安國寺之
饗也復馳五助疲而後信連執轡而馳夜旣明銃聲
貫耳元康問里程答曰不過一里復進達木蘓城諸
隊蟻附韓人拒戰信連進而斬一虜而還元康亦馳
馘一騎虜我師薄城會火發後門城遂陷秀吉賞元
康及立花宗茂摺信英雄豪傑也元康亦獎揚信連
諭之與直陳解憾云作室庫頭元記庚子役攻大津
城德川元政稱攢岐守繼天野元定後家系秀包本
名元綱字四郎系綱幼而為太田英綱養子系天正
十年輝元與秀吉行成為質赴烏秀吉愛重器幹授

秀字更今名稱藤四郎賜豐臣氏族羽柴系圖十五
年封筑後三郡治久留米城系圖十八記逸史或云六
萬石又作三叙從四位下任侍從兼治部大輔系圖
號久留米侍從文祿元年征明次年正月小西行長
聞明虜大至遣人乞救於大友義彥先是秀包黑田
長政亦以兵寡且隔大河羣議不決行長不能持道
歸謂長政秀包曰李如松大兵將至宜與歸王城二
人均對曰未見虜旗而走是非武也足下歸則歸吾
輩先與隆景相約待明虜決戰耳行長不能強而去
五月守熊川寨慶長二年二月守竹嶋豐藩十月明

將麻貴令李如梅入星列拔谷城遂攻星列秀包暨
筑紫廣門為城守擊虜卻之然以兵單微遂走求禮
禮臣家庚子之亂與立花宗茂等東上攻大津城德
記石田十月鍋嶋直茂來攻久留米城如水及清正
使人來諭降秀包嘗與如水友善初發久留米也囑
守者曰西師脫不利四鄰必來伐若等力竭則悉殺
吾孥死之唯如水氏而來受其指揮慎勿與抗焉於
是守者致城載孥而去逸史亂平失采邑尋薙髮號道
叱明年三月卒歲三十六圖元康元改秀包子孫皆
為宗家臣迄今相傳

野史卷一百三十四終

